




# Noé shuti runa yacupi huambuna jatun huasita rurashcamanda




Noé causajui huatacunapica runacunaca tucuicunami juchacunatalla ruranajushca. Shina cajpipash Noeca paipaj huarmandi, churicunandi, churicunapaj huarmicunandi Taita Dios munashcata rurashpami causanajushca.




Taita Diosca juchata ruraj runacunataca animalcunandi tamiahuan tucuchinatami yarishca. Chaimi Noepaj aillucunapash causachun, animalcunapash quishpirichunga, —Yacu jahuapi huambuna shuj jatun huasita rurai— nishpa Noetaca Taita Diosca mandashca.




Noeca huambuna huasita ruraita tucuchishpaca, Taita Dios mandashcashnallatami causaita charij huaquin animalcunataca shuj jari, shuj huarmi, cutin micuna animalcunataca canchis jari, canchis huarmi, causaita charichun huambuna huasi ucuman churashca.




Tucui laya animalcunapaj micunata,  
paicunapaj micunata huambuna huasipi  
churashpaca, Noepash paipaj huarmini,  
quimsandi churicunapaj huarmicunandimi  
yaicurca.



Ña canchis punllata huambuna huasi ucupi  
cajpmi Taita Diosca huambuna huasipaj  
pungutapash, huasi ucumanda chapana  
larajllacunatapash ama pi ashtahuan yaicui  
ushachun vichashca. Chai jipami jahua  
pachamandapash alpa ucumandapash  
yacuta cacharijpi chuscu chungu punllata  
chuscu chungu tutata tamiarca.




Ña ninandapacha tamiai callarijpimi yacuca,  
tucuilla cai pachapi jundai callarishca. Chai  
punllapica Noeca ñami sucta patsaj  
huatacunata charishca.




Noeca paipaj huarmandi, Sem, Cam, Jafet  
shuti churicunapaj quimtsa  
huarmicunandimi yacu jahuapi huambuna  
huasimanga yaicushca. Tucui laya causaita  
charij animalcunapashmi, tucuilla  
paicunahuan parejo yaicushca.



Yacuca cai pachapica jatun  
urcucunatapash canchis metrota  
yalishpami jundashca. Chaimi causaita  
charij tucui laya animalcunapash, tucui  
runacunapash huañushca. Yacuca patsaj  
picha chungu (150) punllacamambash na  
chaquishcachu. Taita Diosca Noetapash  
tucui huambuna huasipi caj tucuilla  
animalcunatapash yarishpami yacuta  
chaquichingapaj huairata cachamushca.  
Yacu chaquijujta yachangapajca Noeca  
shuj cuervotami cacharishca.



Cutin canchis punllata shuyashpami Noeca  
shuj palomata cacharishca, palomaca  
picopi shuj olivos fangata apashpa  
tigramujpimi ña yacuca chaquijushcata  
yachaj chayarca. Yacu chaquiypica,  
huambuna jatun huasipash Ararat shuti  
urcupimi tiarishca.



Taita Diosca Noetaca: —Cambash cambaj huarmandi cambaj churicunapaj huarmicunandi, causaita charij tucui laya animalcunandi huambuna jatun huasimanda llujshichi— nishpami mandashca. Chaimi Noepash paipaj huarmandi, quimtsa churicunapaj huarmicunandi animalcunandi Taita Dios nishcata cazushpa tucuilla llujshishca.



Chai jipami Noeca shuj altarta rurashpa, animalcunata huañuchishpa chaipi rupachishpa Taita Diosman carashpa pashi nishca. Taita Diosca Noé chashna rurashcataca mishquichishpami chasquishca. Taita Diosca: —Imashna pundaman cashcashnallatami tucui catinga— nishcami. Taita Dios nishcata cazuj huahuacunataca Diosca quishpichingapachami.

## Cai parloca Génesis 6manda Génesis 9caman Diospaj Shimimandami shamurca.

Esta historia sobre el gran diluvio es de Génesis capítulos 6 al 9 en la Biblia.

Texto en Quichua por Segundo Anrango.

Quichua rimaipi ñucanchi quilcashca libroacunaca caicunami:

- **Bartimeo shuti ñausa runamanda parlashca**
- **Juan huasichishca huasimanda**
- **Noé shuti runa yacupi huambuna jatun huasita rurashcamanda**
- **Imatapash umashpalla villaj Pedro shuti huambamanda**

Jipamanga shuj libroconatapash quilcashunrami. Urapi tiyajuj direcciongunaman rishpa, telefocunapi cayashpa yachai ushanguimi. [www.Quichua.net](http://www.Quichua.net) Internet direccionbipash cai libroconata leyi ushanguimi.



Acuerdo Ministerial #0110

Calle Fulgencio Araujo N26-188  
y Humberto Albornoz  
(Sector de la Comuna)  
Quito, Ecuador  
Teléfono: 3203498, 09-5002825

[www.Quichua.net](http://www.Quichua.net)  
[www.fedepi.org](http://www.fedepi.org)